

Na osnovu člana 98. Zakona o visokom obrazovanju (Prečišćeni tekst) („Službene novine Tuzlanskog kantona“, broj: 21/21, 22/21, 5/22, 11/22 i 16/22), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2024/25. godini broj: 03-3305-1-15/24 od 12.06.2024. godine, Odluke o raspisivanju konkursa za upis studenata na drugi ciklus studija na fakultete/Akademiju Univerziteta u Tuzli u akademskoj 2024/25. godini broj: 03-3305-1-15.2/24 od 12.06.2024. godine, Odluke Upravnog odbora Univerziteta u Tuzli o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli, a uz prethodnu saglasnost Vlade Tuzlanskog kantona broj: 02/1-34-15007-2/24 od 12. 06. 2024. godine, raspisuje

K O N K U R S
ZA UPIS STUDENATA NA DRUGI CIKLUS STUDIJA
NA FAKULTETE/AKADEMIJU UNIVERZITETA U TUZLI U AKADEMSKOJ 2024/25.
GODINI

Član 1.

U prvu godinu drugog ciklusa studija u akademskoj 2024/25. godini na studijske programe fakulteta/Akademije Univerziteta u Tuzli upisat će se sljedeći broj studenata, *u statusu studenata koji se sami finansiraju*:

Red. broj	Naziv fakulteta/Akademije Studijski program/Usmjerenje	minimalno	maksimalno
1.	Akademija dramskih umjetnosti	6	10
	• Gluma	3	5
	• Produkcija	3	5
2.	Edukacijsko-rehabilitacijski fakultet	12	120
	• Poremećaji u ponašanju	3	30
	• Logopedija	3	30
	• Audiologija	3	30
	• Specijalna edukacija i rehabilitacija	3	30
3.	Ekonomski fakultet	9	30
	• Ekonomija	3	10
	• Poslovna ekonomija*	3	10
	• Menadžment u turizmu	3	10
4.	Fakultet elektrotehnike	3	100
	Elektrotehnika i računarstvo*	3	100
5.	Fakultet za tjelesni odgoj i sport	6	25
	• Tjelesni odgoj i sport	3	10
	• Edukacija trenera u sportu - Sportski trener	3	15
6.	Filozofski fakultet	33	165
	• Bosanskohercegovačka književnost u književnohistorijskom kontekstu	3	15
	• Lingvistika turskog jezika	3	15
	• Prevođenje engleskog jezika	3	15
	• Historija Bosne i Hercegovine	3	15
	• Predškolski odgoj i obrazovanje	3	15

	• Razredna nastava	3	15
	• Pedagogija	3	15
	• Psihologija	3	15
	• Žurnalistika	3	15
	• Socijalni rad	3	15
	• Sociologija	3	15
7.	Mašinski fakultet	15	75
	• Energetika i termo-fluidni inženjering	3	15
	• Proizvodno mašinstvo	3	15
	• Mehatronika	3	15
8.	Medicinski fakultet	15	50
	• Odsjek zdravstvenih studija		
	- Studij sestrinstva	3	10
	- Studij fizioterapije	3	10
	- Studij medicinsko-laboratorijske dijagnostike	3	10
	- Studij radiološke tehnologije	3	10
	- Studij sanitarnog zdravstva	3	10
9.	Pravni fakultet	9	21
	- Građansko pravo	3	7
	- Komparativno pravna historija i komparativno pravo	3	7
	- Upravno pravo	3	7
10.	Prirodno-matematički fakultet	21	105
	• Primijenjena matematika	3	15
	• Edukacija u matematici	3	15
	• Primijenjena fizika	3	15
	• Edukacija u fizici	3	15
	• Geografija*	3	15
	• Biologija *	3	15
	• Ekomonitoring i bioindikacija voda	3	15
11.	Rudarsko-geološko-građevinski fakultet	18	53
	• Rudarstvo*	3	7
	• Geologija	3	7
	• Građevinarstvo *	3	10
	• Bušotinska eksploatacija mineralnih sirovina	3	15
	• Sigurnost i pomoć	3	7
	• Sigurnost i pomoć -Upravljanje rizicima od katastrofalnih događaja i protivpožarni inženjering	3	7
12.	Tehnološki fakultet	12	58
	• Hemijsko inženjerstvo i tehnologija*	3	15
	• Prehrambena tehnologija*	3	20
	• Inženjerstvo zaštite okoline*	3	8
	• Agronomija*	3	15
	UKUPNO:	153	782

* Na studijskim programima upisani studenti imaju mogućnost odabira ponuđenog usmjerenja iz studijskog programa u odgovarajućoj studijskoj godini/semestru.

Član 2.

Pravo upisa na studijske programe drugog ciklusa studija imaju kandidati državljanima BiH, strani državljanima i lica bez državljanstva, koji su na akreditovanoj visokoškolskoj ustanovi završili studij po predbolonjskom sistemu studiranja /studij prvog ciklusa u trajanju od četiri godine sa ostvarenih 240

ECTS bodova, odnosno kandidati koji su završili prvi ciklus studija u trajanju od tri godine, sa ostvarenih 180 ECTS bodova za upis na dvogodišnji master studij na studijskim programima Poslovna ekonomija i Menadžment u turizmu na Ekonomskom fakultetu i na studijskom programu Edukacija trenera u sportu- Sportski trener na Fakultetu za tjelesni odgoj i sport.

Član 3.

Prijava na konkurs podnosi se u roku od 19. 06. do 27. 09. 2024. godine.

Privremena rang-lista kandidata objavit će se 30. 09. 2024. godine.

Konačna rang-lista objavit će se 04. 10. 2024. godine.

Upis primljenih kandidata obaviti će se od 07. 10. do 11. 10. 2024. godine.

Član 4.

Uz prijavu na Konkurs, na propisanom obrascu, kandidat prilaže:

- Original ili kopiju diplome o završenom odgovarajućem studiju po predbolonjskom sistemu studiranja /studiju prvog ciklusa ili uvjerenje o završenom studiju u slučaju da visokoškolska ustanova još nije izdala diplomu, ovjerenu kod nadležnog općinskog organa ili notara;
- Uvjerenje visokoškolske ustanove o dužini trajanja studija po predbolonjskom sistemu studiranja, odnosno dodatak diplomi (kandidati koji su završili prvi ciklus studija po Bolonjskom sistemu studiranja);
- Uvjerenje o uspjehu na dodiplomskom studiju (kandidati koji su završili studij po predbolonjskom sistemu studiranja);
- Izvod iz matične knjige rođenih;
- Uvjerenje o državljanstvu, ne starije od 6 mjeseci.

Kandidati koji su diplomu o završenom studiju stekli u inostranstvu, imaju pravo učešća na Konkursu i prije izvršenog priznavanja inostrane diplome, s tim da su u obavezi uz prijavu na Konkurs priložiti potvrdu Ureda za međunarodnu i međuuniverzitetsku saradnju Univerziteta u Tuzli da su podnijeli zahtjev za akademsko priznavanje inostrane diplome u svrhu nastavka obrazovanja.

Obrazac prijave na Konkurs može se preuzeti na web stranici Univerziteta www.untz.ba

Obrazac Zahtjeva za priznavanje inostrane isprave na Univerzitetu u Tuzli može se preuzeti na web stranici www.untz.ba

Član 5.

Rangiranje kandidata vrši komisija koju imenuje dekan fakulteta/Akademije, na osnovu ukupne prosječne ocjene koju je kandidat ostvario na dodiplomskom/prvom ciklusu studija, zaokružene na dvije decimale i drugih kriterija utvrđenih studijskim programom fakulteta/Akademije, redoslijedom od najveće ostvarene prosječne ocjene, do odobrenog broja za upis.

Privremena rang-lista kandidata objavljuje se na oglasnoj ploči fakulteta/Akademije i web stranici Univerziteta pod šifrom kandidata.

Na objavljenu privremenu rang-listu kandidati mogu izjaviti žalbu naučno-nastavnom/Umjetničko-nastavnom vijeću fakulteta/Akademije, koja se podnosi putem studentske službe fakulteta/Akademije, u roku od 3 (tri) dana računajući od narednog dana od dana objavljivanja privremene rang-liste.

Konačnu Odluku po žalbi donosi naučno-nastavno/Umjetničko-nastavno vijeće fakulteta/Akademije, nakon čega utvrđuje konačnu rang-listu, koju objavljuje na oglasnoj ploči fakulteta/Akademije i web stranici Univerziteta, sa naznakom šifre kandidata koji su ostvarili pravo na upis.

Upis kandidata vrši se na osnovu konačne rang-liste.

Primljeni kandidati pri upisu prilažu :

- Popunjen upisni materijal: prijavni list, upisni list, semestralni list i upisnicu indeks, te dvije kolor fotografije formata za indeks;

- Ljekarsko uvjerenje (osim za upis na Akademiju dramskih umjetnosti (studijski program Gluma) i Fakultet za tjelesni odgoj i sport kojeg kandidati priložu uz prijavu na Konkurs);
- Dokaz o uplati školarine za upis u prvi semestar;
- Rješenje o akademskom priznavanju inostrane isprave kandidati kojima je u postupku akademskog priznavanja inostrane diplome utvrđeno da imaju završeno adekvatno obrazovanje.

Član 6.

Kandidati (državljeni BiH, strani državljani i lica bez državljanstva) koji ostvare pravo upisa na drugi ciklus studija plaćaju školarinu u visini utvrđenoj Odlukom Upravnog odbora Univerziteta u Tuzli (dostupna na www.untz.ba) i Odlukom Vlade TK ("Službene novine Tuzlanskog kantona", broj: 7/19) https://skupstina.tk.gov.ba/Dokumenti/sl_novine/2019/sluzbene%20novine_7-2019_WEB.pdf.

Član 7.

Upisani kandidati zaključuju sa Univerzitetom ugovor o studiranju.

Po uspješnom završetku drugog ciklusa studija stiče se **diploma magistra** u skladu sa Spiskom akademskih titula, naučnih i stručnih zvanja koja se mogu sticati na visokoškolskim ustanovama u Tuzlanskom kantonu („Službene novine TK“, broj: 14/17, 11/18, 11/20, 17/20 i 8/23).

Član 8.

Prijave na konkurs sa potrebnom dokumentacijom podnose se do **27. 09. 2024. godine**, putem studentske službe fakulteta/Akademije ili preporučeno putem pošte, na adresu fakulteta/Akademije, sa naznakom „**Prijava na Konkurs za upis na drugi ciklus studija**“.

Neblagovremene i nepotpune prijave neće se uzeti u razmatranje.

Obrazac prijave na Konkurs može se preuzeti na web stranici Univerziteta www.untz.ba ili u Skriptarnicama Univerziteta na Tehnološkom i Medicinskom fakultetu u kojoj kandidat mora naznačiti fakultet/Akademiju kao i studijski program na koji se želi upisati.

Detaljnije informacije o studijskim programima, uslovima upisa, te pregledu potrebne dokumentacije koja se obavezno prilaže uz prijavu, dostupne su na web stranici i studentskoj službi fakulteta.

Član 9.

Sve potrebne informacije mogu se dobiti na web stranici fakulteta/Akademije, kao i na kontakt telefon studentske službe fakulteta/Akademije.